

# حقوقی بیکسیر مجموعہ سی

آیدہ بر نشر اولتور

# CHRONIQUE

# شُرُون

لوتوس سندسی

کوک مملکتیز و کک فرانسه افکار عمومی سنی ، بزجه لزومندن فضله ، اشغال ایتش اولان لوتوس حادثه سی سالم و منطقی بر جریان کیرمشد . مسئله معلوم اولدینی اوزره ، لاهی دیوان عدالتنه حواله ایدلمشدر ؛ حکومتیزک بومسئله نك بدایت حدوشدن بری طوتدینی متائی و متین خط حرکت شایان تبریکدر . هر درلو تضیق سیاسی ایله حکومتک استقلال محاکمه مداخله سی استجلاب ایدمک ایستلیدیکی حالدله عدلیه وکالتی هیچ بر شکله بو استقلاله مداخله ایتمه مش و حاکم لره وظیفه لرینی اجرا خصوصنده سربستی نام بخش ایتمشدر . دیوان عدالتنه مسئله نك حواله سی طرفینک حسن نیت صاحبی اولدق لرینه دلیلدر . فقط دیوان عدالت آنجق طرفینک تعیین ایده جکی حدود داخلنده اعطای حکمه مأذون اولدیفندن تحکیم نامه بوکی مسائله اهمیت مخصوصه یی حائزدر . تحکیم نامه یی تنظیم و امضا ایچون جنوره یه کیتش اولان عدلیه وکیل محترمی محمود اسعد بک افندیله فرانسه خارجیه نظارتی حقوق مشاوری موسیو فروماژ و اوزون مذاکرات و مناقشاتده بولونمق مجبوریتنده قالدیلر . فرانسه حکومتی اول امرده دردست رؤیت بولسان دعوانک ، دیوانک حکم و قرارینه قدر ، تعلیق ایدلمسی شرطنی علاوه ایتک ایسته دی ؛ حکومتیز بونی قبول ایله مزدی ؛ زیرا ، قانونلریمز و قانون اساسیمز بوکا مانع ایدی ؛ حکومت محاکمه امر ویرمه قطعاً صلاحیتدار دکل ایدی ؛ بویه برشی ایچون آیری بر قانون مخصوص نشر ایتک لازم کلیردی که ملت مجلسنک بوکا رضا کوسترمیه جکی آشکار ایدی ؛ بناء علیه محاکم ایچون جریان طبیعی سنی تعقیب ایتمکدن باشقه چاره یوقدر . بو مسئله بویه جه حل ایدلدکدن صکره ایکسجی بر مشکل تظاهر ایتدی : موسیو دهمونک تخلیه سی ایچون ده بو ایتمه مجبور بولندینی بش بیک لیرانک دیوان عدالت امرینه ویرلمسی ادعای درمیان ایدلدی ؛ بوکاده موافقت امکانی بولونمادی ؛ اول امرده بو بش بیک لیرا محکمه جه آلمشدر ؛ بو پاره نك اعاده سی ینه محکمه قراريله اوله بیلیر ؛ حکومت بو قراری طلب و استحصال امکان مادیسنی حائز دکل ایدی ؛ بو پاره آنجق احکام قانونیه دائرهنده یا نتیجه النتیجه موسیو دهمونک برائتیه یا محکوم

اوله جنى جزائك انفاذ ايدلمسيه اعاده ايديله بيليردى ؛ بو جهت دى بر طرف ايدلدى ؛  
 سو كرا قومانيه نك و اشخاص نالته نك و موسيو ده مونك ضرر مادي و معنويلرينك  
 تقديرى طلب ايدلديكي حالدده بو طلبلركده نفس الامر مطابق اولماديني آكلادلدى .  
 نهايت مسئله شو ساده شكله منجر اولدى :

ديوان عدالت توركيه حكومتك بو مسئله ده لوزان معاهده سنك فصل مخصوصنده كي  
 احكامه مفاير حركت ايدوب ايتمه ديكي و ايتمش ايسه موسيو ده مونده بر ضرر مادي اعطاسنه  
 مجبور اولوب اولماديني تقدير و بو ضررى تعيين ايدم جكدر . مسئله بو شكلى آلدقن  
 صكره دعوا من قازانيلمش عد ايديله بيلير ؛ ديوان عدالت موسيو ده مونك صلاحيت  
 قضايه مزه تابع اولمادينه قرار و بررسه بوقراره نه حا كملر يمزك مفاير قانون بر حركتده  
 بولونمش اولدقاريني نه ده متخذ مقررانك مهمل قاله جنى معناسنده آله ماز ؛ محا كمز  
 موجود قانونلر يمز توقيفاً حركت ايتمش و بو معامله صوكنه قدر انتاج ايديله جكدر .  
 آنحق استقبال ايچون يالكز توركيه يه عا ئد اولق اوزره دكل ، بوتون دنياه موجود  
 حكومات ايچون ديوان عدالت بر تفسير قانوني ده بولونمش اوله جقدر ؛ و حكومت شخصاً  
 موسيو ده مونك شخصي ضرريني اوده يه جكدر ؛ فقط بو تهلكه دخي غير موجوددر  
 دنيله بيلير ؛ اك مقتدر حقوقيلرجه بايستان تدقيقاتده حكومت مز نه لوزان معاهده سنه  
 نه ده بين الملل صورت عموميه و متفقده قبول ايدلمش بر قاعديه مخالف حركت ايتمه مشدر ؛  
 بو مطالعه ايتاليا واسويجره بين الملل حقوق متخصصلى طرفندن تأييد ايدلمشدر .

..

لاهي ديوان عدالتنه حواله ايديلن ايشلر ايچون ايكي اصول محا كه موجوددر .  
 ريسى مستعجل اصول Procédure Sommaire ديكري ده على العاده اصولدر ؛  
 حضور محا كه يه كله جك اولان ايكي دولتن برى ويا ايكي سنك محكمه ده اعضاسي يوقسه  
 بر حاكم تعيين ايله اودعواده حاكم صفتيله اثبات وجود ايتمسي طلبه ، مدعى ويا مدعى عليه  
 دولتك حقى واردر ؛ بو اصولي و ضعدن مقصد اثنای مذا كرده طرفيني تمثيل ايدن  
 حكام بولونسون و مذا كره نك بي طرفي ايله و صرف حقوقى و علمى نقطه نظر دن تدقيق  
 ايدلديكنه قناعت حاصل اولسون ؛ بو مسئله ده حاكم وظيفه سنى قيمتلى حا كملر يمز دن

فیضی دائم بك افندی هیئت وکیلہ قراریلہ انتخاب ایدلدیکی کبی مدافعہ وظیفہ سنی ده  
اسویجره دارالفنونی حقوق دوقتوری پایه سنی حائز بولنان عدلیه وکیلی محمود اسعد بك  
افندی درعهده بیورمشلردر .

### آدوقاندرک بلدیہ رئیسکی :

۳ نیسان ۳۴۰ تاریخلی و ۴۶۰ نومرولو آووقاتلق قانوننک دردنجی ماده سی « بلدیہ  
رئیسکی اعضاالقندن ماعدا بر خدمت ووظیفه یی حائز اولدیغندن آووقاتلقله اجتماع  
ایده مه یجکی » صورتنده بویوک ملت مجلسنجه تفسیر ایدلمشدر .

## Bibliographie

## کتابلر

مفوفره غایه : استانبول برنجی تجارت محکمه سی رئیس احمد اسعد بک

احمد اسعد بك فیضلی فعالیتنه دوام ایدهرک بودفعده حقوقده غایه عنوانیلہ (یهرینغ)ک  
مشهور اثرینی بویوک موفقیتله تلخیص ایتمشدر . بواثر حقننده کی مطالعاتنر کله جک  
نسخه مزده انتشار ایده جکدر . شمیدین علم حقوق منشاقلربنه توصیه یه مسارعت ایلرز .  
اقبال وجهان کتبخانه لرنده ۱۰۰ غروش بدل ایله صائلقدهدر .

قانونه مدنی رهبری : میلاسی غاد فرائقو بک

بونامله قلمه آلتان اثرک برنجی جلدی انتشار ایتدی . قانون مدنی نک ایلك ۳۴۰  
ماده سنک شرحی محتویدر . ۵۱۰ صحیفه دن مرکب مجلد اوله رق قناعت کتبخانه سنسده  
۲۵۰ غروش بدل ایله صائلقدهدر؛ پوسته اجرتی ایله برابر ۸۰ غروشدر .